

小雅 四十四之四十六

屏至曰千林鹿



白雲書庫

六

六家詩名物疏卷四十四

上海圖書館藏

海虞馮復京嗣宗輯著

小雅甫田之什二

桑扈篇

屏

爾雅云。門屏之間謂之宁。屏謂之樹。疏云。屏蔽也。樹立也。立牆當門以自蔽也。諸侯內屏。在路門之內。天子外屏。在路門之外。而近應門。○郊特牲云。旅樹。大夫之僭禮。注云。旅。道也。樹。所以蔽行道。明

言... 堂位云。疏屏。天子之廟飾。注云。屏。今桴思也。刻之
為雲氣蠱獸。如今闕上為之矣。○禮緯云。天子外
屏。諸侯內屏。大夫以簾。士以帷。○天文書云。屏四
星。在端門內。近左執法。

翰

傳云。翰。幹。○釋詁云。楨。幹也。舍人曰。楨。正也。築墻
所立兩木也。幹所以當墻兩邊障土者。

鴛鴦篇

鴛鴦

古今注云。鴛鴦。水鳥。鳧類。雌雄未嘗相離。人得其
一。則一者相思。死。故謂之匹鳥。○荆楚記云。節木
鳥。鴛是也。○食療本艸云。食鴛肉。令人美麗。夫婦
不和。與食。立相憐愛。○雅翼云。歸藏曰。有鳧鴛鴦。
蓋鳧屬。雄名為鴛。雌名為鴦。大如鴛。杏黃色。頭戴
白長毛。垂至尾。尾翅皆黑。黃赤五采者。有纓者。皆
鵞鵝耳。

畢

月令云。羅罔畢翳。注云。罔小而柄長。謂之畢。○大

東傳云。畢所以掩兔。疏云。象畢星為之。

廐

說文云。廐。馬舍也。○曲禮云。君子將營宮室。宗廟為先。廐庫為次。○周禮校人云。三乘為皂。三皂為繫。六繫為廐。六廐成校。圉師掌春除蓐。繫廐。○釋名云。廐。鳩也。聚也。牛馬之所聚也。○左傳疏云。凡馬。春分百艸始繁。則牧于坰野。秋分農功始藏。水寒艸枯。則皆還廐。此周典之制也。○星經云。天廐十星。在璧北。主天子馬坊廐苑之官也。

類弁篇

蔦

爾雅云。寓木。宛童。郭云。寄生樹。一名蔦。○陸機云。葉似當盧。子如覆盆子。赤黑恬美。○本艸云。桑上寄生。其實明目。輕身通神。一名寄屑。一名寓木。一名宛童。一名蔦。生弘農川谷桑樹上。三月三日採。莖葉陰乾。陶隱居云。桑上者名桑上寄生。爾詩云。施于松上。方家亦用楊楓上者。各隨其樹名之。生樹枝間。寄根在皮節之內。葉圓青赤。厚澤易折。旁

自生枝節。冬夏生。四月花白。五月實赤。大如小豆。蘇恭云。此多生榭榭柳水楊楓等樹上。子黃。大如小棗。實九月始熟。陶說非也。圖經云。寄生。云是烏鳥食物。子落枝節間。感氣而生。葉似橘而厚軟。莖似槐枝而肥脆。三四月開花。黃白色。六七月結實。黃色如小豆。

女蘿

毛公云。女蘿。菟絲。松蘿也。○陸機云。菟絲蔓連艸。止黃赤如金。今合藥菟絲子是也。非松蘿。松蘿自

蔓松上生枝正青。與菟絲殊異。○本艸云。松蘿。一名女蘿。生熊耳山川谷松樹上。五月採。○藥性論云。松蘿能治寒熱吐客痰。

按菟絲名女蘿。爾雅所云是也。松蘿亦名女蘿。博雅及本艸所云是也。古詩云。與君為新婚。兔絲附女蘿。李善云。二者異艸。毛公誤合為一。此詩女蘿施松。自是松蘿耳。與兔絲了無涉。釋文云。在艸曰兔絲。在木曰女蘿。亦非。蓋兔絲亦蔓延于木也。

霰

箋云。將大雨雪。始必微温。雪自上下。遇温氣而搏。謂之霰。久而寒勝。則大雪矣。○爾雅云。雨霓為霄。雪。疏云。水雪雜下也。因名霄雪。霄即消也。○月令。仲冬行夏令。則天時雨汁。注。雨雪雜下為汁。○大戴禮曾子云。陽之專氣為霰。陰之專氣為雹。盛陽之氣在雨水。則温暖為陰氣薄而脅之。不相入。則搏為雹也。盛陰之氣在雨水。則凝滯而為雪。陽氣薄而脅之。不相入。則消散而下。因水而為霰。○穀

霓霰同

梁說云。雹者陰脅陽之象。霰者陽脅陰之符。○釋名曰。霰星也。水雪相搏。如星而散。○宋書符瑞志云。韓詩曰。先集維霰。薛君注。霰英也。花葉謂之英。然則霰為花雪。○埤雅云。說文曰。霰稷雪也。閩俗謂之米雪。言其霰粒如米。所謂稷雪。義蓋如此。今名瀋雪。亦名濕雪。

瀋音色

車牽篇

鷓

爾雅云。鷓雉。郭云。即鷓鴣也。長尾。走且鳴。○說文

詩名物疏

卷四百

五

潘

云。鶴走鳴。長尾雉也。乘輿以尾為防鉉。著馬頭上。
 ○陸機曰。鶴微小于雉。走而且鳴。色如雄雉。尾如
 雉尾而長。其頭上有肉冠。冠上叢毛長數寸。如雄
 雉尾角。肉甚美。故林麓山下人語曰。四足之美有
 庶。兩足之美有鶴。○山海經曰。女几之山多白鶴。
 ○禽經云。火為鶴。亢為鶴。○薛綜云。雉之健者為
 鶴。尾長六尺。

青蠅篇

青蠅

王充云。青蠅所污。常在練素。○段成式云。青蠅糞
 能敗物。雖玉亦不免。所謂蠅矢點玉。○陸佃云。青
 蠅首赤如火。背若負金。傳曰。以冰致蠅。蠅逐臭者。
 懷蛆繁利。喜煖惡寒。故遇冰輒側翅遠引。○劉執
 中云。蛆蟲變成者。青蠅也。其止于物。則穢敗之。又
 從而生蛆。蛆復變為蠅。穢敗于物。無有紀極。

賓之初筵篇

筵 詳見邶風席

春官司几筵注云。筵亦席也。鋪陳曰筵。籍之曰席。

詩名物流

卷四

六

○說文云筵竹席也。周禮曰度堂以筵。筵一丈。○釋名云筵衍也。舒而平之。衍衍然也。○陳氏云筵席之制短不過尋。長不過常。中者不過九尺。公食大夫蒲筵常。萑席尋。匠人明堂度九尺之筵。純緣之制。上不過黼。下不過緇布。○儀禮鄉射。席賓南面東上。衆賓之席繼而西。席主人於阼階上西面。蒲筵緇布純。西序之席北上。大射小臣設公席於阼階上。西鄉。司宮設賓席於戶西南面。有加席。

核

天官籩人饋食之籩。其實棗栗桃乾榛榛實。

射互見鄭風射

傳云燕射之禮。箋云大射。

按天子諸侯射禮有三。曰大射。曰賓射。曰燕射。大射是將祭擇士之射。賓射是諸侯來朝。天子入與之射。或諸侯相朝而與之射。燕射是息燕而與之射。其侯。大射張皮侯而棲鵠。賓射張采侯。燕射張獸侯。其射之處。則大射先習於澤。後射於射宮。天子射宮蓋在廟。鄉射記云於郊則

問中則天子大射亦在虞庠。諸侯在太學也。賓射天子在朝。射人云。諸侯在朝則皆北面是也。諸侯在國內與天子同在朝。或國外相會則在竟。故鄉射記云。於竟則虎中也。燕射則在於路寢。以燕禮朝服於寢故也。其耦則大射賓射。王以六耦。畿內諸侯以四耦。畿外諸侯卿大夫士皆三耦。燕射例同三耦而已。此詩毛以爲燕射。鄭以爲大射。按燕禮大射禮。諸侯與其臣行禮。皆宰夫爲主人。納賓及庭。公降一等揖之。公升

席。賓升自西階。主人從之。賓右北面再拜。賓答拜。主人降洗。賓降。主人辭降。主人取觚洗。賓辭洗。主人卒洗。賓揖升。筵前獻賓。賓拜受。爵于筵前。然後賓升筵。是初筵折旋揖讓之事也。飲酒。孔偕云者。二禮賓主獻酬及獻公之屬是也。鐘鼓旣設者。燕禮云。樂人縣。又云。若射。如鄉射之禮。鄉射云。樂正適西方。命弟子贊工遷樂于下。注云。當辟射也。然則此設鐘鼓亦爲將射改縣也。王宮縣階間。有妨射位。與國君大射軒縣及

階間但有鼓者不同。明天子大射當改縣矣。燕射準鄉射。自然當改縣也。云舉酬逸逸者。是二禮。勝爵于公之後。爲賓爲卿爲大夫舉旅之禮也。鄉射大夫士禮。則無舉旅之文。大侯既抗云者。燕射自天子至士皆一侯。上下共射之。鄉射記所云天子熊侯白質。諸侯麋侯赤質者也。大射之侯。則天子虎熊豹。畿外諸侯熊糝豕。畿內諸侯熊豹。天子自射虎侯九十弓。畿外諸侯自射熊侯。亦九十弓。故大射禮謂熊侯爲大侯。此

大侯在。天子則虎。在國君則熊也。鄉射張侯。下綱不及地。武不繫。左下綱中掩束之。既納射器。比三耦。司正爲司馬。命張侯。弟子脫束。遂繫左下綱。所謂既抗者也。鄭則以大射前射三日。量人巾車已張三侯。明天子三侯。亦射前三日。張之。故以抗爲棲鵠于侯中。然大射亦云張三侯。不繫。左下綱射末。巾車量人解左下綱。但將射。無繫。左下綱之節。或文不具耳。鄭未爲的論也。自是司射誘射。既射兩番。釋獲。司射命設豐。司

宮士奉豐由西階升。坐設于西楹西。勝者之弟子。洗觶升。酌散。南面坐奠于豐上。司射及三耦。及眾射者。勝者皆袒決。遂執張弓。不勝者皆襲脫決。拾却左手。右加弛弓于其上。遂執拊。勝者先升堂。不勝者進。北面坐。取豐上之觶。與少退。立卒解。坐奠于豐下。三耦卒飲。眾皆繼飲。射爵如三耦。及第三番用樂射。不勝者升飲。亦如初儀。所謂罰不勝之爵也。由是則旅酬及于士。而禮終矣。此燕射大射之禮。大率然也。毛既以此

為燕射。至次章籥舞笙鼓十句。所說不明。王肅以為燕樂之義得。則能進樂。其先祖。故言烝衍。非是。實祭。不思祭祀感神獲福。與燕何涉。可謂牽率之甚矣。其釋賓載手仇二句云。主人請射于賓。賓許諾。自取其匹以射。主人亦入于次。又射以耦賓。考之禮。則請射者司射。非主人自請也。耦者有司所比。非賓自取也。不知毛何以云然。朱傳稱熊侯白質諸語。及三耦皆據燕射。又引大射宿縣之文。未知朱子之意。以此為大射

乎。抑燕射乎。

的 互見齊風侯

傳云。的。質也。孔氏云。周禮鄭衆馬融注皆曰十尺曰侯。四尺曰鵠。二尺曰正。四寸爲質。王肅云。質方六寸。鄭以大射之侯。其中制皮爲鵠。賓射之侯。其中采畫爲正。正大如鵠。中皆居侯中三分之一。此傳惟云的。質也。蓋亦以爲所射處。與鄭同。燕射則謂麋侯白質者。

子孫奏能

鄭氏云。士之祭禮。上嗣舉奠。因而酌尸。天子則有子孫獻尸之禮。○劉瑾云。特牲三獻之後。長兄弟洗解獻尸。尸飲畢。酢之。長兄弟受而卒爵。少牢下篇三獻之後。亦有二人洗解酌獻之禮。各奏爾能。謂此類與。

室人

孔氏曰。特牲注云。佐食。賓佐尸食者也。謂于賓客之中取人。令佐主人爲尸設饌食。特牲佐食一人。少牢佐食二人。未知天子諸侯當幾人也。特牲三

獻之後。長兄弟洗觚為加爵。又曰。眾賓長為加爵。
注云。大夫三獻而禮成。多之者為加。是賓手挹酒。
室人復酌為加爵也。特牲止有賓長為加爵。不及
佐食。此言賓與室人俱為加爵者。天子之禮大。故
佐食亦為加也。○特牲記云。佐食玄端。玄裳黃裳。
雜裳可也。皆爵鞞。佐食當事則戶外南面。無事則
中庭北面。凡祝呼。佐食許諾。佐食于旅。齒于兄弟。


監

朱子云。監史。司正之屬。燕禮鄉射。恐有解倦失禮

者。立司正以監之。察儀法也。○鄉飲酒禮鄉射禮
曰。作相為司正。燕禮曰。射人為司正。大射曰。擯者
遂為司正。

史

呂東萊云。淳于髡說齊威王曰。賜酒大王之前。執
法在旁。御史在後。此人君燕飲之制。猶存于戰國
者也。立之監。即執法也。鄉射注所謂立司正以監
察儀法者也。佐之史。即御史也。董氏所謂佐之史
以書之者也。○周禮。大史掌建邦之六典。小史掌



原件模糊

言名牛取 卷四四
邦國之志。內史讀四方之事書。掌書王命。外史掌書外令。達書名于四方。御史掌邦國都鄙及萬民之治令。以贊冢宰。掌贊書。凡數從政者。○禮記云。史載筆。士載言。又云。動則左史書之。言則右史書之。○大戴禮云。太子既冠成人。免于保傅。則有司過之史。○韓詩外傳云。據法守職。而不敢為非者。太史令也。○左傳云。君舉必書。書而不法。後嗣何觀。○史通云。古者言為尚書。事為春秋。左右二史分尸其職。管軒轅受命。倉頡沮誦。實居其官。曲禮

曰。史載筆。大事書之于策。小事簡牘而已。至于諸侯列國。亦各有史官。

羖

羖音俞
羖音歷

爾雅云。夏羊。牡羖。牝羖。注云。夏羊。黑羖。羖也。今人便以牝羖為白黑羊名。○羅氏云。羖本夏羊。牝者之名。吳羊白。夏羊黑。羖羊之角。主明目安心。益氣輕身。辟鬼魅。虎狼。療疥蟲。蠱毒。結氣。止寒泄。為用最。大。而詩云。俾出童羖。脅呂必無之物。猶言而無實。不為用也。羖在今世。但為黑羊之名。不取牝義。

而音又通于牯。故本艸羴羊條注稱牯羊。牯乃牡之名。

門人賀旦校

六家詩名物疏卷四十四終

六家詩名物疏卷四十五

海虞馮復京嗣宗輯著

小雅魚藻之什

魚藻篇

鎬

郡縣志周武王宮即鎬京也。在京兆府長安縣西北十八里。自漢武帝穿昆明池於此。鎬京遺址淪陷焉。○括地志。滻水源出長安縣西北滻池。北流入渭。○盟會圖云。豐鎬相去二十五里。○一統志。

鎬水在陝西西安府城西北十八里。上承鎬池。下流合瀘池水。鎬京城在咸陽縣西南。

采菽篇

黼

賈氏曰。黼謂白黑。為形則芥文。詳見九罭衮衣。

檻泉

濫檻同

爾雅云。濫泉。正出。正出。涌出也。李巡曰。水泉從下上出曰涌泉。○釋名云。水正出曰檻泉。濫。銜也。如人口有所銜。口開則見。

芹

爾雅云。芹。楚葵。注。今水中芹菜。○本艸。水芹。味甘平。主養精。保血脉。益氣。令人肥健。嗜食。一名水英。陶隱居云。二三月作莢時。可作菹。及熟爇食之。又有渣芹。可生噉。別本注云。芹有兩種。青芹取根白色。赤芹取莖葉。並堪作菹。圖經云。生水中。葉似芎藭。花白色。而無實。根亦白色。○孟詵云。水芹置酒漿中。香美。高田者名白芹。○周禮。醢人云。加豆之實。芹。菹。兔。醢。○呂氏春秋。伊尹曰。菜之美者。雲夢

哲音哲

之芹。○埤雅云。芹潔白而有節。其氣芬芳。而味不
如蓴美。故列子以為客有獻芹者。鄉豪取而嘗之。
蜚口慘腹。

邪幅

傳云。幅。偏也。所以自偏束也。箋云。如今行滕。偏束
其脛。自足至膝。疏云。邪纏于足。謂之邪幅。○釋名
云。偏。今謂之行滕。言以裹脚。可以跳騰輕便也。○
左傳云。帶裳幅舄。昭其度也。○內則。子事父母。有
偏。

紼

紼如誼反
紼音律
釋水云。紼。纏維之。紼。綷也。綱。紼也。孫炎曰。紼。大索
也。李巡曰。紼。竹為索。所以維持舟者。郃璞曰。紼。繫
也。

角弓篇

爵

周禮。太宰。以八柄詔王。馭羣臣。一曰爵。以馭其貴。
二曰祿。以馭其富。大宗伯。以九儀之命。正邦國之
位。壹命受職。再命受服。三命受位。四命受器。五命

賜則六命賜官。七命賜國。八命作牧。九命作伯。司
士以德詔爵。以功詔祿。以能詔事。以久奠食。○禮
記云。天子三公。九卿。二十七大夫。八十一元士。大
國三卿。皆命於天子。下大夫五人。上士二十七人。
次國三卿。二卿命於天子。一卿命於其君。下大夫
五人。上士二十七人。小國二卿。皆命於其君。下大
夫五人。上士二十七人。又云。司馬辨論官材。論進
士之賢者。以告于王。而定其論。論定然後官之。任
官然後爵之。位定然後祿之。○禮含文嘉云。殷爵

三等。周爵五等。

狻

暖音袁。獮音鑠。父音甫。

狻音加。

獸古弔反。衛音謹。

蟪音柔。

爾雅云。狻暖善援。獮父善顧。注云。狻暖便攀援。獮
父。獮獮也。似獼猴而大。色蒼黑。能攫持人。好顧盼。
○說文云。夔。貪獸也。一曰。毋猴。似人。○陸機云。狻
獼猴也。楚人謂之沐猴。老者為獮。長臂者為獮。獮
之白腰者為衛胡。衛胡。獮駿捷於獼猴。其鳴噉噉
而悲。○廣雅云。狻狙。獼猴也。○顏師古云。獮善拂
拭。○相如賦。蛭。蝮。獮。蟪。頰注。今戎皮為鞍褥者。非

彌猴也。○陸佃云。猱蓋猿狝之屬。輕捷善緣木。大小類猿。長尾。尾作金色。俗謂之金線猱。生川峽深山中。人以藥矢射殺之。取其尾為臥褥。鞍被坐毯。中矢毒。即自齧斷其尾以擲之。猱一名猱。顏氏以為其尾柔長可籍。故其制字從柔。以此故也。○嚴粲云。猱即王孫也。杜詩覓胡孫是也。○元康地記云。猱與獼猴不共山宿。臨旦相呼。○王延壽王孫賦云。儲糧食於兩頰。稍委輸於胃脾。緣百仞之高木。攀窈裊之長枝。○柳子厚云。猱王孫居異山。德

異性不能相容。猱之德靜以恒。王孫之德躁以囂。勃諍號嗽。雖羣不相善也。食相噬齧。行無列。飲無序。乖離而不思。有難推其柔弱者。以免。好踐稼蔬。所遇狼籍披攘。禾實未熟。輒齧投注。山之小艸木。必凌挫折撓。○江乘地記云。攝山有山猱。赤足。○鳥獸考云。猴詩謂之猱。性躁而多智。

按猱字。說文作𧢲。今文作猱。或作猱。又作猱。猱屬。陸機云。獼猴也。嚴粲云。即王孫也。據元康地記云。猱與獼猴不共山宿。與柳子厚說猱王孫

居異山相符。王延壽云儲食兩頰。爾雅翼釋猴亦有此說。則狻信為猴矣。而師古及陸羅二氏俱以狻猴為異物。故埤雅以狻為狻而別。見猴今吳俗指猴為狻。亦謂之胡孫。既已混甚。都不聞狻與王孫之名。未知異同。

附

笺云。附。木桴也。疏云。木表之麤皮。

髦

笺云。髦。西夷別名。武王伐紂。其等有八國從焉。○

同
髮音義

牧誓。及庸蜀羌髳微瀘彭濮人。○括地志。姚府以南。古髳國之地。有髳州。○一統志。雲南楚雄府定遠縣。唐初置西濮州。貞觀中改髳州。姚安軍民府大姚縣。唐屬髳州。

都人士篇

緇撮

儀禮緇布冠。缺項。青組纓。屬于缺。注。缺讀如頰。緇布冠無笄者。著頰圍髮際。結項中。隅為四綴。以固冠也。項中有緇。亦由固頰為之耳。今未冠笄者著

緇反

詩名物流

六百七十五

六

言名物疏卷四十五
卷幘頰象之所生也。又云。賓筵前正纚。右手執項。左手執前。○郊特牲曰。犬古冠布。齊則緇之。其綏也。孔子曰。吾未之前聞也。冠而敝之可也。玉藻曰。始冠。緇布冠。諸侯下達。緇布冠。纚。諸侯之冠也。雜記。犬白緇布冠。不綏。又曰。大夫卜宅與葬日。緇布冠。不綏。○陳氏云。緇布冠。有前。有項。纚。屬于缺。無綏。後世以尊者不可無飾。故加纚。綏。用於始冠。及大夫之下宅與葬日而已。庶人或以爲常服。用於始冠。則玄端玄裳黃裳。雜裳。緇帶。爵鞞。用于卜宅與葬日。則有司麻衣布衰布帶。因喪屨。若庶人則深衣焉。庶人雖服委貌。而儉者服緇布。謂之緇撮。則無梁矣。

吉

左傳鄭石癸曰。吾聞姬媯耦。其子孫必蕃。媯。吉人也。后稷之元妃也。○國名記云。邽。黃帝之宗。見詩。風俗通云。殷時侯國。一作吉。潛夫論云。邽與媯全而字異。○唐宰相世系云。吉氏出自媯姓。黃帝裔伯儵。封於南燕。賜姓曰媯。

厲

箋云。肇必垂厲為飾。厲字當作裂。○內則。男肇革。女肇絲。注云。肇。小囊盛悅巾者。男用韋。女用緇。有飾緣之。則是肇厲。與詩云。垂帶如厲。疏云。此是鄭義。若如服杜左。傳肇厲。注則以肇為大帶。厲是大帶之垂者。○小爾雅云。帶之垂者謂之厲。

蠱

詩義疏云。蠱一名杜伯。河內謂之蚊。幽州謂之蠹。○通俗文云。長尾為蠱。短尾為蠹。○左傳云。逢蠱蠱。

有毒。○葛洪方云。蠹中國多此。江南無也。○陶隱居云。蠹有雌雄。雄者螫人痛止在一處。雌者痛牽諸處。○段柯古云。鼠負巨者多化為蝎。蝎子多負于背。蝎前謂之螫。後謂之蠱。常為蝸牛所食。以迹規之。不能去。○雅翼云。說文。蠱字象形。蓋象其奮螫曳尾之形。蜥蜴能食之。

采綠篇

藍

爾雅云。歲馬藍。部云。今大葉冬藍也。疏云。今為澱

歲音歲

詩名物類 卷四十五

言名物類 卷四十五
者是。○夏小正曰。五月。啓灌藍蓼。啓者別也。陶而
疏之也。灌者叢生者也。記時也。○禮記曰。仲夏。令
民毋艾藍以染。注云。爲傷長氣也。此月藍始可別。
○蘇恭云。藍實有三種。一種圍徑三寸許。厚三四
分。出嶺南。名木藍子。菘藍堪切爲澱。本艸經所用。
乃是蓼藍實。其苗似蓼而味不辛者。菘藍惟堪染
青。蓼藍不堪爲澱。惟作碧色。○圖經云。藍實。人家
蔬圃中作畦種蒔。三四月生苗。高三二尺。葉似水
蓼。花紅白色。實亦若蓼子而大。黑色。五六月採實。
即蓼藍也。菘藍即爾雅所謂馬藍。又福州有一種
馬藍。四時俱有。江寧有吳藍。二三月生。如蒿。葉青
花白。○荀子云。青出於藍。而青於藍。○四民月令。
榆莢落時可種藍。五月可刈藍。六月可種冬藍。○
齊民要術云。種藍。一同葵法。藍三葉澆之。薶治令
淨。五月中新雨後。即拔栽之。

襜

爾雅云。衣蔽前謂之襜。郭璞云。今蔽膝。

黍苗篇

言不物...
輦 互見車攻徒

說文輓車也。从車。扶在車前引之也。扶音伴。並行也。从兩夫。○漢書注。駕人以行曰輦。

謝 詳見王風申

泚音彼

水經注云。泚水又西南流。謝水注之。出謝城北。○國語注。邾南謝北。號邾在焉。

白華篇

白華 詳見陳風菅

爾雅云。白華。野菅。

滌池

水經注。鄠水又北流。西北注。與滌池合。水出鄠池西。而北流入于鄠。世傳以為水名。○九域志。京兆府冰池。按十道志。名滌池。亦名聖女泉。○一統志。鄠水下流合滌池水。滌水在西安府城西北二十里。發源咸陽縣之滌池。西北合鎬水。

熒

爾雅云。熒。炷也。鄠璞曰。今之三隅竈。○說文曰。行竈也。○孔氏曰。炷者無釜之竈。止以燃火照物。若

熒音惠

詩名物流

今火爐。

鶯

埤雅云。鳧雁醜翁。鶯鶴醜鶯。鶯性貪惡。俗呼禿鶯。長頸赤目。其毛辟水毒。劉楨賦云。綠蠲葱鶯。鶯色蓋青也。○古今注云。扶老禿鶯也。狀如鶴而禿者。高八尺。善與人鬪。好啖蛇。○禽經云。扶老強力。注。食之益人氣力。走及奔馬。○魏書崔光。貪惡之鳥。野澤所有。

石

傳云。王乘車履石。○夏官隸僕云。王行則洗乘石。先鄭云。乘石。所登上車之石也。○禮書云。乘石。王與后乘車於是。登降也。設于兩階。

縣蠻篇

丘阿丘隅

傳云。丘阿。曲阿也。○鄭注大學止於丘隅云。鳥擇岑蔚安閒而止處之。疏云。岑謂巖險。蔚謂艸木蒼蔚。

漸漸之石篇

說文云。水涌流也。

苕之華篇

苕

蕙音標
麥音沛

爾雅云。苕。陵苕。黃華蕙。白華芡。郭璞曰。一名陵時。本草云。疏云。詩苕之華。鄭箋云。陵苕之華。紫赤而繁。陸機亦言其華紫色。而此云黃白者。蓋就紫色中有黃紫白紫耳。及其將落。則全變為黃。故詩曰。芸其黃矣。○陸機云。一名鼠尾。生下溼水中。七八月中。華紫。似今紫艸。可染皂。煮以沐髮。即黑。葉青

如藍而多華。○廣志曰。苕艸色青黃。紫華。十一月稻下種之。蔓延盛茂。可以美田。葉可食。○本艸云。紫葳。一名陵苕。一名芡華。生西海川谷。及山陽。圖經云。陵霄花也。多生山中。人家園圃。亦或種時。初作藤。蔓生依大木。歲久延引。至巔而有華。其華黃赤。夏中乃盛。○雅翼云。此華亦彌絡石壁。盛夏視之如錦繡。不可仰望。露滴目中。有失明者。

按陵苕即陵霄也。故本艸云。一名芡華。與爾雅合。陸機疏則以為鼠尾。爾雅云。勤。鼠尾。注云。可

勤音學

以洙阜。本艸經云。鼠尾艸。有白華者。赤華者。一名勤。一名陵翹。生平澤中。四月採葉。七月採華。陶隱居云。田野甚多。人採作滋洙阜。圖經云。苗如蒿。夏生。莖端作四五穗。穗若車前。與陸詵生下濕。七月花。可染阜者相似。則陸誤以陵苕為鼠尾矣。又或以紫歲為瞿麥根。瞿麥。即爾雅所為大菊。蘧麥。亦非也。陵苕。斷即女歲。陸機疏全謬。不可從。

牂

粉音墳

爾雅云。羊牡粉。牝牂。郭云。謂吳羊。○博雅云。吳羊牝一歲曰特。牝。三歲曰牂。

何草不黃篇

棧車

傳云。棧車。役車也。箋云。輦者。疏云。有棧。是車狀。非士所乘之棧也。庶人乘役車。蟋蟀言役車。其休是矣。彼不以人輓。知不與此同。詩緝云。疏說不分曉。不如徑以為士之棧車。○春官巾車云。士乘棧車。庶人乘役車。注云。棧車。不革輓而漆之。役車。方箱。

可載任器以共役。○考工記云。飾車欲侈。棧車欲
弁。

門人王陳綱校

六家詩名物疏卷四十五終

六家詩名物疏卷四十六

海虞馮復京嗣宗輯著

大雅文王之什一

文王篇

商

鄭譜曰。商者契所封之地。孔氏曰。湯取契之所封。
以為代號。○皇甫謐云。在上洛商縣。○括地志。商
州城八十里。商洛縣。本商邑。古之商國。尚所封。○
補傳云。地有商山。因是得名。○一統志。陝西西安

高古契字

府商縣在府城東南二百六十里本契始封地商洛山在縣東南九十里。

殷

鄭氏曰湯始居亳之殷地孔氏曰殷是亳地之小別○書序云盤庚將治亳殷注商家改號曰殷○括地志云宋州穀熟縣西南三十五里南亳故城即南亳湯都也宋州北五十里大蒙城為景亳湯所盟地因景山為名河南偃師為西亳帝嚳及湯所都盤庚亦徙都之○黃氏曰三亳南亳北亳亳

殷也南亳今應天府穀熟縣北亳拱州考城縣亳殷河南偃師縣○周氏曰商人稱殷自盤庚始自此以前稱商自盤庚既都亳于是殷商兼稱或單稱殷。

按一統志河南開封府歸德州古之商丘相土所居也穀熟縣省入本州之夏邑州城東南四十五里有亳城即南亳也睢州考城縣宋屬拱州景山在其境內商之北亳也河南府偃師縣契父嚳所都湯自商丘遷焉後仲丁遷囂河亶

甲居相祖乙居耿。又遷于邢。書所謂不常厥邑。于今五邦者也。盤庚復涉河南治亳。改國號曰殷。即西亳也。古今言殷地。皇甫謐張守節蔡沈之徒。皆以為即偃師。王伯厚地里考。引括地志云。相州安陽縣。本盤庚所都。即北冢殷墟。南去朝歌城百四十里。竹書紀年。盤庚自奄遷北冢。曰殷墟。南去鄴四十里。則又以今彰德府安陽縣為西亳。未詳孰是。

裸將

泉讀曰裸

周禮小宰。祭祀贊王裸將之事。注云。將送也。贊王酌鬱鬯之酒以獻尸。謂之裸。裸之言灌也。明不為飲。主以祭祀。唯人道宗廟有裸。天地大神至尊不裸。莫稱焉。凡鬱鬯受祭之。啐之。奠之。又云。凡賓客贊裸。內宰。后裸。獻則贊。凡賓客之裸。獻皆贊。大宗伯。大賓客。攝后載果。小宗伯。凡祭祀賓客。以時將肆裸。肆師。祭祀賓客。贊裸將。鬱人。凡裸事。和鬱鬯。司尊彝。祠禴。裸用鷄彝。鳥彝。嘗蒸。裸用罍彝。黃彝。追享朝享。裸用虎彝。雉彝。行人。諸公再裸而酢。侯

伯子男一裸而酢。○禮器云。諸侯相朝。灌用鬯。鬯。郊特牲云。周人尚臭。灌用鬯臭。既灌。然後迎牲。祭統曰。君執圭瓚裸尸。大宗執璋瓚亞裸。又云。獻之屬莫重于裸。

昇

無荒于友

冠禮記云。周弁。殷昇。夏收。注云。昇名出于無。無。覆也。言所以自覆飾也。齋所服而祭也。其制之異未聞。疏云。案漢禮器制度。弁冕。周禮弁冕。相參考之。冕以木為體。廣八寸。長尺六寸。績麻三十升布為

之。上以玄。下以纁。前後有旒。尊卑各有差等。但夏殷禮亡。制與周異。故云未聞。○禮記云。有虞氏皇而祭。夏后氏收而祭。殷人皞而祭。周人冕而祭。陳祥道云。皇收而下皆冕也。○世本云。胡曹作冕。注云。黃帝臣也。蓋冕服起于黃帝。加飾起自唐虞。○白虎通云。殷昇謂之詡者。十二月之時。施氣受化。詡張而後得牙。故謂之詡。○論語疏云。冕。俛也。以其前高後下。有俛仰之形。故因名焉。

大明篇

適

左傳云。王后無嫡。則擇立長。年鈞以德。德鈞以卜。
○公羊傳云。立適以長。不以賢。○禮書云。父服長
子三年。祖服適孫。以其傳重也。

摯

周語。摯疇之國。由大任。注云。摯疇二國。奚仲仲虺
之後。大任之家。○唐書世系表云。祖已七世孫曰
成。徙國於摯。○國名記云。蔡之平輿有摯亭。○一
統志云。平輿故城在河南汝寧府城東。

任

國語司空季子云。黃帝之子十二姓。姬酉祁已滕
歲任荀僖。媯依是也。○玉海云。仲虺居薛。臣扈
祖已皆其胄裔。

嬪

釋親云。嬪。婦也。○書曰。嬪于虞。

京

箋云。京。周國之地。小別名。

洽

詩名物類

卷四十六

五

潘

地里志云。左馮翊郃陽縣。在郃水之陽。○水經注云。郃陽城南有漢水。東流注于河。水南猶有文母廟。前有碑。去城十五里。水即郃水也。縣取名焉。○一統志。陝西西安府同州郃陽縣。在州城東北百二十里。以在郃水之陽故名。郃水在郃陽縣。來自西北。經縣北。東入黃河。縣東四十里有太姒墓。

陽

穀梁傳云。水北為陽。水南為陰。

嘉

朱傳云。嘉婚禮也。○周禮。大宗伯。以嘉禮親萬民。以昏冠之禮親成男女。

文定厥祥

朱傳云。言卜得吉。而以納幣之禮定其祥。○士昏禮云。下達納采。用雁。請問名。納吉。用雁。如納采禮。納徵。玄纁束帛。儷皮。如納吉禮。請期。如納徵禮。記曰。納吉曰。吾子有貺命。某加諸卜。占曰吉。使其也。敢告。納徵曰。吾子有嘉命。貺室某也。某有先人之禮。儷皮束帛。使其也。請納徵。○周禮。媒氏云。凡嫁

言名物疏 卷四十一 二百九十二
女娶妻入幣。純帛無過五兩。玉人云。穀圭。天子以聘女。大璋。諸侯以聘女。○雜記云。納幣一束。束五兩。兩五尋。昏義云。納采。問名。納吉。納徵。請期。皆主人筵几於廟。拜迎於門外。入。揖讓而升。聽命於廟。○賈公彥云。納幣。士大夫以玄纁束帛。天子加穀圭。諸侯加大璋。庶人用緇無纁。○孔穎達云。納幣。昏禮謂之納徵。

親迎

郊特牲曰。親迎。男先於女。剛柔之義也。執摯以相

見敬章別也。壻親御授綏。親之也。出乎大門而先。男帥女。女從男。夫婦之義由此始也。哀公問曰。冕而親迎。不已重乎。孔子曰。合二姓之好。以繼先聖之後。以爲天地宗廟社稷之主。君何謂已重乎。昏義云。父親醮子而命之迎。男先於女也。子承命以迎。主人筵几於廟。而拜迎於門外。壻執雁入。揖讓升堂。再拜奠雁。蓋受之於父母也。降出御婦車。而壻授綏。御輪三周。先俟於門外。婦至。壻揖婦以入。共牢而食。合巹而醕。所以合體同尊卑。以親之也。

言名物疏 卷四
○昏禮記曰。父醮子。命之辭曰。往迎爾相。承我宗事。勗帥以敬。先妣之嗣。若則有常。○禮書。趙氏曰。王者之尊。天下莫敵。故嫁女。則使諸侯主之。適諸侯。諸侯莫敢有其室。若屈萬乘之尊。行親迎之禮。則何莫敵之有乎。夫子對哀公云云。非爲天子發也。左氏謂諸侯不親迎。公羊謂天子亦親迎。其說不能全與經合。當從趙氏爲正。

造舟

釋水云。天子造舟。諸侯維舟。大夫方舟。士特舟。庶

人乘泚。郇璞曰。造舟。比船爲橋。維舟。維連四船。方舟。并兩船。特舟。單船。泚。并木以渡。○孔氏曰。造舟者。比船於水。加板於上。即今之浮橋。故杜預云。造舟爲梁。則河橋之謂也。維舟以下。則水上浮而行之。但船有多少。爲等差耳。○左傳疏云。造爲至義。言船相至而並比。

莘

世本云。莘。姒姓。禹後。○唐世系表。戡封支子於莘。○水經注云。郇陽城。故有莘邑。大姒之國。○國名

記云。今同之。復陽。漢郃陽。有太姒冢城祠廟。晉散宜生求有莘氏美女獻紂。周代有神降之。本號地。大名之莘縣有莘亭。亦國也。齊蔡管城陳畱俱有莘。○一統志。莘城在西安府郃陽縣南二十里。本莘國。

牧野

牧說文作毋。○周書牧誓云。甲子昧爽。王朝至于商郊牧野。注云。紂近郊三十里地名牧。疏云。牧是郊上之地。戰在平野。故言野耳。○周書克殷曰。周

車三百五十乘。陳于牧野。○水經注云。自朝歌以南暨清水。土地平衍。據臯跨澤。悉毋野之地。故詩稱毋野洋洋。竹書紀年曰。武王率西夷諸侯伐殷。敗之于毋野。○皇甫謐曰。在朝歌南七十里。○一統志。河南衛輝府汲縣。本殷牧野之地。牧野在府城南陵西。社朝歌之南。武王伐紂。陳師于此。

駟

爾雅云。駟馬白腹。駟。注云。駟。赤色黑鬣。○檀弓云。周人尚赤。戎事乘駟。○傳云。駟。言上周下殷也。○

埤雅云。鵯从縹省。縹淺赤也。

鷹

鵯黃來

爾雅云。鷹。鵯鳩。注云。鵯當為鵯。左傳作鵯鳩是也。
○月令云。仲春。鷹化為鳩。季夏。鷹乃學習。孟秋。鷹乃祭鳥。王制云。鳩化為鷹。然後設罝羅。陳氏曰。仲秋也。○左傳。郟子曰。少皞氏鳥師。而鳥名。爽鳩氏。司寇也。杜預曰。爽鳩。鷹。鷲鳥也。故為司寇。主盜賊。
○運斗樞云。瑤光星散為鷹。立秋之日。鷹鷲擊。○廣志云。有雉鷹。有菟鷹。一歲為黃鷹。二歲為撫鷹。

縹音頤

鵯披兔反

三歲青鷹。胡鷹獲麋。○禽經云。鷹不擊伏。鵯不擊妊。○隋魏彥深賦云。資金方之猛氣。擅火德之炎精。指重十字。尾貴合盧。立如植木。望似愁胡。觜全劍利。脚等荆枯。亦有白如散花。赤如點血。大文若錦。細斑似縹。眼類明珠。毛猶霜雪。身重若金。爪剛如鉄。生於窟則好眠。巢於木則常立。雙髀長則起遲。六翮短則飛急。毛衣屢改。厥色無常。寅生酉就。總號為黃。二周作鵯。千日成蒼。雌則體大。雄則形小。遇犬驚猜。得人馴擾。○埤雅云。鵯次赤也。頂有

鷺音慈

毛角微起。今通謂之角鷹。○鳥獸考云。鷹類甚衆。維角雕黃者以鷹名。然角鷹有二種。一種青腳有毛。一種兩脚無毛。名鷺鷥角鷹。

鷺篇

鷺

鷺音角友

爾雅云。鷺。鷺。其紹鷺。舍人曰。鷺名鷺。小瓜也。紹。繼。謂鷺子。漢中小瓜曰鷺。孫炎曰。鷺。小瓜子如鷺。其本子小。紹先歲之瓜曰鷺。邢昺曰。瓜本有二種。大曰瓜。小曰鷺。而瓜蔓近本之瓜必小于先歲之大

瓜。以其小如鷺。故謂之鷺。鷺是鷺之別名。

陶復

疏云。陶。瓦器竈也。覆地室也。覆者。地上為之。穴者。鑿地為之。○朱傳云。陶。窑竈。復。重窑。穴。土室也。○

搏音團
埴音植

考工記云。搏埴之工。陶旒。有虞氏尚陶。○尸子曰。昆吾作陶。○周書曰。神農耕而作陶。○賈公彥云。古者窟居。隨地而造。若平地則不鑿。但累土為之。謂之為複。言于地上重複為之也。若高地則鑿為坎。謂之為穴。其形皆如陶竈。複穴皆開其上取明。

穴

說文云。土室也。○易曰。上古穴居而野處。後世聖人易之以宮室。○禮運云。先王未有宮室。冬居營窟。夏居橧巢。

岐

郡縣志云。岐山亦名天柱山。在鳳翔岐山縣東北十里。○地里志。右扶風美陽縣。岐山在西北。中水鄉。周太王所邑。○水經注。岐山歷周原下。北則中水鄉。成周聚水。北即岐山。○河圖括地象云。岐山

在崑崙東南。為地乳。上為天糜星。○一統志。岐山在陝西鳳翔府岐山縣東北十里。山有兩岐。故名。亦曰天柱山。其峰高峻。狀若柱然。禹貢導沂及岐。太王邑于岐山之下。文王時鳳鳴岐山。皆此也。俗名鳳皇堆。

董

毛傳云。董菜也。○詩緝云。孔氏謂董即烏頭。則與鳩毒同類。非茶菜可食之類矣。茶雖苦。得霜甜脆。故可言如飴。烏頭毒物。不可食。何由知其如飴乎。

蕞側反

毛氏以蕞為菜。不言毒物。○內則云。蕞苴粉榆。注云。苴似蕞而葉大。○公食禮。鉶芼皆。有滑。注云。滑蕞苴之屬。○說文云。蕞根如薺。葉如細柳。蒸食之。其。○爾雅云。齧。苦蕞。郭云。今蕞葵也。葉似柳。子如米。肉食之滑者。○本艸。蕞汁味甘。唐本注云。此菜野生。非人所種。俗謂之蕞菜。葉似蕞。花紫色。朱傳云。蕞烏頭也。○爾雅云。芡。蕞艸。郭云。即烏頭也。江東呼為蕞。音靳。○晉語。驪姬置蕞于肉。賈逵曰。蕞烏頭也。○國策云。人之饑。所以不食烏喙者。

煎音側

以其雖偷充腹。而與歿同患也。○廣雅云。附子。一歲為煎子。二歲為烏喙。三歲為附子。四歲為烏頭。五歲為天雄。○本艸云。冬月採為附子。春採為烏頭。烏頭味辛甘。温。大熱。有大毒。一名奚毒。一名即子。一名烏喙。三寸以上為天雄。陶隱居云。春時莖初生。有腦。形似烏鳥之頭。故謂之烏頭。有兩岐。共蒂。狀如牛角。名烏喙。喙即烏之口也。吳氏本艸云。烏頭。一名葺。一名千秋。一名毒公。一名果負。一名耿子。禹錫等云。正月始生。葉厚莖方。中空。葉四面。

葺音郭

詩名物疏

卷四下

三

三百十六

相當與蒿相似。圖經云：烏頭烏喙，天雄附子側子，都是一種。冬至前將陸田耕五七遍，以猪糞糞之。逐月耘耔，至次年八月後方成。苗高三四尺，莖四稜，葉如艾，花紫碧色。作穗實，小黑如桑椹。本只種附子，孰後有四物，長三二寸為天雄，附子旁尖牙角為側子，絕小者亦名側子。元種者為烏頭，其餘大小皆為附子。

按爾雅：齧苦董，本艸在菜部。毛公所云董菜，指此。若烏頭則但可謂之艸，不可謂之菜也。陸氏

蕭音商

釋文又引廣雅云：董，藿也。今三輔之言猶然。此爾雅所謂拜蕭藿，非此董也。

餈

內則云：棗栗餈，蜜以甘之。○釋文云：餈，餈也。○方言云：餈謂之張皇，餈謂之餈。○說文云：餈，米蘖煎也。餈，餈和餈者也。○釋名云：餈，小弱于餈，形怡怡然也。

餈音該 餈音唐 餈蘇簡反

契

周禮：蕪氏掌共燠契，以待卜事。凡卜以明火蒸燠。

蕪音藥 燠音爵

煇音後

煇杜敦反

遂歛其煇契。以授卜師。遂役之。卜師凡卜事。揚火以作龜。致其墨。○士喪禮。楚煇置于焦。在龜東。○陳祥道云。焦。炬也。契。灼龜之木也。契謂之煇。亦謂之楚煇。楚其材也。煇其體也。契其用也。○羅氏云。禮圖。楚煇以荆為之。必以荆者。凡木心圓。荆心方。卦之德方以知。以其德方。故以方木灼龜也。

司空

尚書。僉曰。伯禹作司空。帝曰。俞。咨禹。女平水土。又曰。司空掌邦土。居四民。時地利。○禮記云。司空執

度。度地。量地。遠近。興事。任力。○元命包云。危。東六星。兩兩而比。曰司空。主水。○書大傳云。溝瀆壅遏。水為民害。田廣不墾。則責之司空。○家語曰。司空之官。以成禮。度量不審。舉事失禮。都鄙不修。財物失所。曰貧。貧則飭司空。○白虎通云。司空主土。不言土而言空。空尚主之。況於實乎。○漢官解詁云。下理坤道。上和乾光。謂之司空。○環濟要畧云。冬。官司空。掌邦事。營城。鄙。都。邑。立社。稷。宗廟。造瑩宅。器械。監百工。

詩名物疏

卷四

五

朱

臯門應門

毛云王之郭門曰臯門王之正門曰應門箋云諸侯之宮外門曰臯門朝門曰應門內有路門天子之宮加以庫雉疏云毛云郭門者宮之外郭之門毛以諸侯之門不名臯應與鄭別○爾雅云正門謂之應門○朱子曰書天子有應門春秋書魯有雉門禮記云魯有庫門家語云衛有庫門皆無云諸侯有臯應者則臯應為天子之門明矣意者太王之時未有制度特作二門其名如此及周有天下遂尊以為天子之門而諸侯不得立也○周禮闔人掌守王宮中門之禁先鄭注云王有五門外曰臯門二曰雉門三曰庫門四曰應門五曰路門一曰畢門玄謂雉門三門也又云匠人營國應門二徹三个王宮門阿之制九雉○明堂位云庫門天子臯門雉門天子應門○禮書云臯門之內外朝也朝士建其法小司寇掌其政列三槐與九棘設嘉石與肺石而朝諸侯聽訟詢大事在焉應門之內治朝也司士正其位宰夫掌其法大僕正王

下。遂尊以為天子之門。而諸侯不得立也。○周禮闔人掌守王宮中門之禁。先鄭注云。王有五門。外曰臯門。二曰雉門。三曰庫門。四曰應門。五曰路門。一曰畢門。玄謂雉門三門也。又云。匠人營國。應門二徹三个。王宮門阿之制九雉。○明堂位云。庫門。天子臯門。雉門。天子應門。○禮書云。臯門之內。外朝也。朝士建其法。小司寇掌其政。列三槐與九棘。設嘉石與肺石。而朝諸侯。聽訟。詢大事在焉。應門之內。治朝也。司士正其位。宰夫掌其法。大僕正王

諸名物類 卷四
之位。而王日視朝在焉。路門之內。燕朝也。大僕正其位。掌擯相而族人朝焉。諸侯之外門曰庫門。魯以周公之故。猶不可稱臯門。應門。特為臯應之制而已。○考索云。臯者遠也。明最在外。故曰臯。應門者。則居此以應治也。

冢土

詳見甫田社

傳云。冢土。大社也。美太王之社。遂為大社。○祭法云。王為羣姓立社曰大社。郊特牲云。天子大社。必受霜露風雨。以達天地之氣也。○禮書云。王之犬

社。土五色而冒以黃。其位則中門之右。社主陰故也。其壝北面。社嚮陰故也。其飾則不屋。記所謂大社。必受霜露風雨也。其表則木。傳所謂夏以松。商以柏。周以栗是也。其方廣則五丈。其主則石為之。

問

傳曰。小聘曰問。○大宗伯云。賓禮。時聘曰問。○大行人云。凡諸侯之邦交。歲相問也。殷相聘也。世相朝也。○聘禮云。小聘曰問。不享。有獻。不及夫人。主人不筵几。不禮。面不升。不郊。勞。其禮如為介。三介。

鄭目錄云。大問曰聘。諸侯相於久無事。使卿相問之禮。小聘使大夫。○王制云。諸侯之於天子也。比年一小聘。三年一大聘。

棫

爾雅云。棫。白桺。郭云。桺。小木。叢生有刺。實如耳瑣。紫赤可啖。○陸機云。王蒼說棫。即柞也。其材理全白。無赤心者為白桺。直理易破。可為積車輻。又可為矛戟矜。今人謂之白棫。或曰白柘。

混夷

箋云。夷狄國也。詳見出車西戎。

虞芮

括地志云。故虞城在陝州河北縣東北五十里。虞山之上。古虞國。故芮城縣西二十里。古芮國。閒原在河北縣西六十五里。○晉太康地記云。虞西百四十里有芮城。○郡縣志云。閒原在平陸縣。即虞芮爭田。讓為閒田之所。○史記注引地里志云。虞在河東太陽縣。芮在馮翊臨晉縣。正義云。注引芮在臨晉者。恐疎。閒原在河東。與虞芮相接。臨晉在

言各物類 卷四十六 二百三十六
河西同州。非臨晉芮城明矣。○一統志。平陸縣在山西平陽府解州東南九十里。芮城縣在州西南九十里。閒田在平陸縣西五十里。即虞芮相讓之地。俗呼讓畔城。

棧樸篇

樸

樸屬叢生者
傳云。樸。枹木。○爾雅云。樸。枹者。郭云。樸屬叢生者為枹。

樵

輓古風

箋云。祭皇天上帝及三辰。聚積以燎之。疏云。月令注。皇天為北辰耀魄寶。上帝為五帝。三辰即宗伯所云日月星辰也。○周禮大宗伯云。以禋祀祀昊天上帝。以實柴祀日月星辰。以禋燎祀司中司命。輓師雨師。注云。禋之言烟。禋積也。詩曰。芃芃棧樸。薪之標之。三祀皆積柴實牲體焉。或有玉帛燔燎而升烟。所以報陽也。○禮記月令云。季冬。乃命四監。收秩薪柴。以共郊廟及百祀之薪燎。祭法云。燔柴於泰壇。祭天也。

綱紀

說文云。綱。綱紘也。紀。別絲也。○尚書云。若網在綱。有條而不紊。

旱麓篇

旱

地里志。漢中郡南鄭縣旱山。沱水所出。東北入漢。○曹氏曰。旱山在梁山之境。與漢廣相近。故取以興焉。○周地圖記云。山上有雲即雨。○一統志。陝西漢中府南鄭縣附郭。府城西南六十五里有旱

山。

麓

穀梁傳云。林屬於山曰麓。○漢書應劭云。麓。林之大者。○釋名云。山足曰麓。麓。陸也。言水流順。陸燥也。○周禮。林衡掌巡林麓之禁令。而平其守。以時計林麓。而賞罰之。若斬木材。則受法于山虞。而掌其政令。

楛

陸機曰。楛。其形似荆而赤。莖似蒼。上黨人織以為

牛管箱器。又屈以爲釵。○禹貢。荊州貢楛。注云中矢幹。出雲夢之澤。

瓚 互見衛風圭斯于璋文王裸將

箋云。圭瓚之狀。以圭爲柄。黃金爲勺。青金爲外。朱中央。○周禮典瑞云。裸圭有瓚。以肆先王。以裸賓客。注。於圭頭爲器。可以挹鬯。裸祭謂之瓚。漢禮瓚槃大五升。口徑八寸。下有槃。口徑一尺。玉人云。裸圭尺有二寸。有瓚。以祀廟。注云。瓚如槃。其柄用圭。有流前注。凡流皆爲龍口。三璋之勺。形如圭瓚。○

白虎通云。圭瓚。宗廟之盛禮也。玉飾其末。君子之性。金飾其中。君子之道。○禮書云。王之肆先王禮賓客。以裸圭。后之亞裸。與王之巡狩。以裸璋。圭璋其柄。瓚其勺也。○羅氏云。鬱與鬯皆陰。而玉爲陽物。圭璋又東南陽方之玉。故假之。嫌于無陽也。○禮圖云。圭瓚如槃。大五升。口徑八寸。深二寸。璋瓚口徑四寸。深二寸。

按玉人說三璋云。黃金勺。青金外。朱中。鄭依此說。圭瓚之制。則爲勺者黃金也。玉人云。裸圭有

屨作是反

瓚不別云裸璋有瓚則三璋即璋瓚也陳氏祥道乃云圭瓚璋瓚勺用玉多石少者三璋之勺則飾以金此何據乎即其引鄭氏瓚四玉一石之說彼注鄭已讀瓚為屨取雜色之意非此瓚也且若三璋之勺以金為飾玉人但說青外朱中足矣又何用黃金勺一句以此知其說妄也三璋有纁圭瓚當亦有纁鄭氏下繫龍口之說或是漢法不足以擬周制古者諸侯九命賜以秬鬯圭瓚天子之瓚其柄之圭尺有二寸賜諸

侯蓋九寸以下也

清酒

箋云祭祀之事先為清酒○周禮酒正辨三酒之物三曰清酒注云今中山冬釀接夏而成

門人王陳綱校

六家詩名物疏卷四十六終

詩名物疏

卷四十六

三

所

卷之六

門人王刺

詩曰

詩曰

